



# Synfocity = 863

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

October 20, 2022

## ☐ Masihi Sangati Convention tuang taka neih a ni

Oct. 14 - 16, 2022 chung khan Masihi Sangati Convention vawi 32-na chu Durtlang Kohhranah tuang taka neih a ni.

Convention-ah hian thupui "**Tho la, eng rawh**" (Isaia 60:1) tih chu speaker Rev. P.C Rohlira hnen aṭangin tum 3 ngaihthlak a ni a. Oct. 14 (Zirtawpni) zanah inlawmna inkhawm neih niin Synod Moderator Rev. Dr. Vanlalngbaka Ralte hnen aṭangin Pathian thuchah ngaihthlak a ni a. Oct. 15 (Inrinni) zingkarah Bible Study neih a ni a, he hunah hian Rev. Jimmy Malsawmdawngliana i/c Aizawl Central Bial-in "**Tirhkoh Paula Chanchin**" tih thupui a zirpui a, chawhmaah vantlang Pathian Biak inkhawm neih niin Speaker Rev. P.C Rohlira hnen aṭangin Thupui ngaihthlak a ni a, chawhnu lamah Fellowship leh Cultural Programme-in hun hman a ni a, zanah vantlang Pathian Biak inkhawm neih a ni a, Speaker hnen aṭangin Thupui ngaihthlak a ni. Oct. 16 (Pathianni) chawhmaah vantlang Pathian Biak inkhawm neih a ni a, Speaker hnen aṭangin Thupui ngaihthlak a ni a, chawhnuah Lalpa zanriah sakramen Rev. James C. Lalremruata, Hmarthlang Bialtu-in a theh a, zanah vantlang Pathian Biak inkhawm neih a ni a, Rev. Zochhuanmawia, Director, Masihi Sangati Kendra hnen aṭangin Pathian thuchah ngaihthlak a ni a, inkhawm banah fellowship neih leh a ni.

Inkhawm apiangin zaipawl hrang hrang Bial Masihi Sangati, Kohhran Masihi Sangati leh Area Choir te hnen aṭangin Pathian fakna hla ngaihthlak thin a ni a, a remchan dan angin a mamawh te tan Counselling class neih thin a ni bawk.

Convention-ah hian Palai riak lut zawng zawng hi 1379 an ni a, lānga kal hi 3500 niin Palai Badge semchhuah zat hi 4400 a ni. Convention chungin ringlo hnamdang engemaw zat hruai khawm niin mi 148 Lal Isua zui turin an inpe a. Mizoram pawn Bial hrang hrang aṭangin Palai 117 an rawn kal bawk.

## ☐ Synod Mission Board leh ram pawn chet velna

### ◆ Odisha Mission Field

Oct. 15, 2022 (Inrinni) khan Odisha Mission Field Adava bial-a Molopodor khuaah Field Secretary-in Biak In thar a hawng. Biak In thar hi Aizawl Chanmari Presbyterian Kohhranin sum leh pai thawhin hun rei lo te chungin sak zawh a ni a. Biak In thar hawn ni hian bawng 3 talhin khaw thenawm ringlo thlengin an tel a, ruai pawh hlim tlang takin an thehho a ni.

He Biak In sak dawn hian an khaw mi Hindu chungkaw pakhatin Biak In sak phal lovin an tibuai a, chutih lai chuan an khaw hotu Sarpanch chu lo kalin chutiang a Biak In sakna tur ram inpek phal loh chuan sawrkar ram hi ka pe anga tuman in sawibuai thei lovang a ti a. Chu chang nilovin amahin JCB kovin kawngpui sir sawrkar ram chu biak in sak nan a nawr zawl tir ta nghal bawk a ni.

Oct. 16, 2022 (Pathianni) khan Molopodor Biak In hawn tharah a hmasaber atan inkhawmna neiin Lalpa Zanriah Sakramen leh Baptisma inkhawm neih a ni a, he hunah hian mi 13 Lal Isua zui turin an inpe nghal a ni.

### ◆ Jharkhand Mission Field

Oct. 16, 2022 (Pathianni) khan mi 17 Lal Isua zui turin an inpe a, Roman Catholic Kohhran aṭangin mi 1 kan Kohhranah a inpe bawk.

### ◆ Assam Mission Field

Oct. 16, 2022 (Pathianni) khan Assam Mission Field-a Bhairabkunda leh Sapangaon Kohhran chu Kohhran Puitlinga hlankaina hun Field Secretary Rev. Billy Lalrinchhana'n a hmang. Sapangaon Kohhran Puitlinga hlankaina hun hman rual hian mi 2 Lal Isua zui turin an inpe a, Oct. 16, 2022 (Pathianni) khan mi 9 Lal Isua zui turin an inpe.

### ◆ Home Mission North

Oct. 16, 2022 (Pathianni) khan Thaidawr Pastor Bial chhunga Mualthuam Branch Church-ah chungkaw 1 (member 3 awmna) Lal Isua zui turin an inpe.

❑ **Board leh Committee peng hrang hrang an ðhu**

Synod Inkhawmpui atana Synod Department hrang hrangte inruahman lawkna Committee chu Oct. 17, 2022 (Thawhtanni) atang khan neih ðan a ni.

Oct. 17 (Thawhtanni) khan Pension Provident Fund (PPF) Board an ðhu a, Meeting hi Rev. Dr. Vanlalnghaka Ralte, Synod Moderator-in a kaihruai a, Meeting-ah hian Secretary report leh Treasurer report te ngaihthlak a nih hnuah Synod inkhawmpuia report tur, Secretary-in a buatsaih te ngaihthlaka sawiho a ni a, Synod Pension and Provident Fund Board Budget 2023 - 2024 ruahmanna pawm a ni.

Oct. 18 (Thawhlejni) khan PRESCOM Board an ðhu a, Secretary-in report a pe a, PRESCOM Manual 2022 tihchhuah a nih thu te, Recovery Agent rawih thu te, Hnahthial khuaah Synod Bookroom Branch hawn a nih thu te, Synod Bookroom, Headquarters building thar hawn hun chungchang te, GST Registration siamthat thu te, Synod Bookroom Branch leh Distributor awm dan tlangpui te report-ah hian tarlan a ni. Tun ðumah hian thurel tur chhawpchuah 12 a awm a. Budget 2023 - 2024 ruahmanna pawm a ni.

Oct. 19 (Nilaini) khan Sunday School Committee an ðhu a, Meeting hi Rev. Dr. Vanlalnghaka Ralte, Synod Moderator-in a kaihruai a, Secretary hnen atangin report ngaihthlak a ni. Oct. 20 & 21 hian Mission Board an ðhu leh a ni.

Synod committee peng hrang hrang te Oct. 24 - 28, 2022 chhungin an ðhu leh ang, hetiangin Oct. 24 - ah Theological Education Board, Oct. 25 -ah Hospital Board, Oct. 26 -ah Pastoral Committee, Oct. 27 -ah Education Board leh Oct. 28 -ah SL&PB.

❑ **Praise On 2022 Mal Zai intihsiak Top 50**

Oct. 18, 20 leh 21, 2022 chhung hian Synfo leh Central KÏP ðangkawpin an buatsaih Praise On Mal zai intihsiak Top 50 chu Republic Veng Kohhran Hall-ah neih mek a ni.

Praise On Mal 2022 zai intihsiak hi Sept. 26 - Oct. 6, 2022 chhung khan Elimination Round neih a lo ni tawh a, Elimination Round-ah khan mi 379 in intihsiakna an nei a, chung zing atang chuan mi 159 te second round an lut a, Oct. 12 & 13, 2022 khan intihsiakna nei lehin result pawh puan a ni leh tawh a, mi 159 atangin mi 50 thlan chhuah an ni a. Top 50 thlan chhuah te hian Oct. 18, 20 leh 21, 2022 zan dar 7:30 atangin Republic Veng Kohhran Hall-ah intihsiakna an nei a, Oct. 21 zan hian result puan a ni ang. Top 50 atangin top 20 thlan chhuah leh an ni ang a, top 20 te hian Oct. 27 leh 28, 2022 zanah te intihsiakna an nei leh ang a, Oct. 28 (Zirtawpni) zanah hian result puan nghal tur a ni ang. Top 20 intihsiakna hi Chaltlang Kohhranin an thleng dawn a ni.

Kumin Praise On mal zai intihsiakah hian lawmman atan pakhatna Rs. 1,00,000; Pahnihna Rs. 50,000; Pathumna Rs. 30,000 leh Consolation Prize (Top Ten tling chin) Rs. 7,000 ðeuh hlan an ni ang.

❑ **Presbyterian English School (PES)**

Oct. 19, 2022 (Nilaini) khan Rengdil Kohhran Centenary Hall-ah PES pariat te tan 'One Day PES Teachers' Training neih niin thawktu 77 an kal a, heng bakah hian Rengdil Bialtu Pastor leh a thlengtu PES Management Board member 10 an tel bawk.

One Day Teachers' Training-ah hian Synod Office atangin Upa PC. Vanlalhruaia, Supervisor of Schools leh Pu Lalvena Hnamte, Resource Person te an kal a. Infuih tharna hun ða tak nein paper pahnih - "Elementary zirna ða neih pawimawhzia" leh "Effective Teaching - A Multimethod Project" tihte an zirho.

❑ **Kohhran Hmeichhia**

Oct. 19 & 20, 2022 hian PWF Consultation 2022, Lailam Veng Presbyterian Church, Churachandpur-ah neih a ni a, he hunah hian PWF Committee member 2 leh Kohhran Hmeichhia Central Committee aiawh 19, an vaiin mi 21 an kal a. Consultation-ah hian Thupui chu "**Empowering Women in the ministry**" tih a ni.

❑ **KÏP**

Oct. 20 - 26, 2022 chhung hian South Asia Christian Youth Network Core Group meeting, Kuala Lumpur, Malaysia-a neihah Tv. Lalringgheta, Asst. Coordinator leh Nl. F. Lallianzuali, Committee member te an kal.

- ❑ **MSSU**  
Oct. 22, 2022 (Inrinni) hian Ramhlun Vengthlang Kohhranah Sunday school zirtirtu training neihpui turin Pu HK Hmingthanzuala, Asst. Coordinator leh MSSU Trainer te Upa Lalthanchhunga leh Upa H. Lalremruata te an kal ang a, zan inkhawmah "Naupangte hnena rawngbawlina" chungchang thuchah Upa Lalthanchhunga, trainer-in a sawi ang.
- ❑ **Worship**  
Oct. 21, 2022 (Zirtawpni) khan Darlawn-ah Conductor Training neihpuiin Pu H. Lalrinmawia, Senior Instructor a kal ang.
- ❑ **Social Front**  
Oct. 22 & 23, 2022 hian Ramhlun Bialah Social Front Campaign nei turin Campaigner te Rev. V.L Luaia Hranleh, Executive Secretary; Rev. Dr. Lawmsanga, Rev. Rosiamliana Tochwawng, Upa Peter Zohmingthanga leh Pu R. Lalnuntluanga, Coordinator te an kal ang.
- ❑ **Finance**  
Oct. 22 & 23, 2022 hian Phullen Bialah Finance Campaign nei turin Campaigner te Upa R. Dengzikpuia leh Upa C. Lalbiakthanga te an kal ang.

- ❑ **Synod Relief Fund**  
Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Rullam	Vanduaina tawk	1	Rs. 10,000/-
2.	Chhingchhip Mualpui	Leimin tuar	1	Rs. 10,000/-
3.	Phainuam	Khawsak harsa	1	Rs. 8,000/-
<b>BELHKHAWM</b>				<b>Rs. 28,000/-</b>

- ❑ **OCTOBER 21, 2022 (Zirtawpni) (FM Zoawi - Aizawl & Lunglei @ 7:30 p.m.):**  
Solo : Lalmingchhuangi - Min hnehsak thin, **Zaipawl** : ITI Kohhran Zaipawl - Kraws lera authawm, **Thusawi** : Tv. Lalrinchhana - Student helpline zawhna, **Solo** : Esther Lalmuanpuii - Khawthianghlim Jerusalem, **Zaipawl** : Mizoram Synod Choir - Kraws hlun tak

- ❑ **Susamachar Prasaran Programme :**  
**OCTOBER 23, 2022 (Pathianni) 5:00 pm. :**  
Group/Choir/Solo : Aizawl Bethel Area Choir - Chhule  
Group/Choir/Solo : Kristian Centre Zaipawl - Tu Pyar Ka Sagar  
**Sermon** : Rev. P.C Rohlira - Parmeswar Ke Samit Rahena  
Group/Choir/Solo : Aizawl Venglai - Hardin  
Group/Choir/Solo : Durtlang Masihi Sangati - Ayega

- ❑ **Moderator leh Executive Secretary-te Programme:**  
**Rev. Dr. Vanlalnghaka Ralte : Moderator**  
Oct. 22, 2022 Falkawn Hmarveng Biak In hawn, Muallungthu Bial  
Oct. 23, 2022 Chhun - Tlungvel Venghlun Kohhran Centenary lawmna  
Zan - Khatla Kohhran  
Oct. 24, 2022 Theological Education Board  
Oct. 25, 2022 Hospital Board  
Oct. 26, 2022 Pastoral committee  
Oct. 27, 2022 Education Board  
Oct. 28, 2022 SL&PB  
Oct. 29, 2022 OM  
Oct. 30, 2022 Ramhlun Venglai Kohhran  
**Rev. C. Zorammawia : Senior Executive Secretary**  
Oct. 23, 2022 Chanmari Kohhran - Masihi Sangati Campaign  
Oct. 24, 2022 Theological Education Board  
Oct. 26, 2022 Pastoral committee  
Oct. 29, 2022 OM

**Rev. V.L. Luaia Hranleh : Executive Secretary**

Oct. 24, 2022	Theological Education Board
Oct. 25, 2022	Hospital Board
Oct. 26, 2022	Pastoral committee
Oct. 27, 2022	Education Board
Oct. 28, 2022	SL&PB
Oct. 29, 2022	OM
Oct. 30, 2022	Dawrpui Vengthar West, Social Front programme

**Rev. Dr. K. Lallawmzuala : Executive Secretary**

Oct. 21 - 24, 2022	Tangphai Synod hawnna, Manipur
Oct. 25, 2022	Central KTP committee
Oct. 26, 2022	Pastoral committee
Oct. 27, 2022	Education Committee
Oct. 29, 2022	OM
Oct. 30, 2022	Zemabawk North Kohhran, PES programme

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form	:	Office hun chungin Rs. 10/- a lei theih a ni
Dil hun chung	:	December 13, 2022 (Thawhlehi) tlai dar 3:00 thleng
Dil thei chin	:	Class VII passed, kum 16 chin, Kohhran dan chung awm
Interview	:	December 16, 2022 (Thawhtanni) chawhma dar 10:00
Class tan hun	:	January 12, 2023 (Ningani)
Zir hun chung	:	January - April, 2023

Hrechiang duh tan Phone No. **0389-2317343/8296035491**-ah zawh theih a ni.

*Sd/-*

Rev. Lalrinsanga  
Principal, PBS

**HRIATTIRNA**

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office atangin lak chhuah theih a ni e.

Dil thei chin	:	Class XII pass chin
Dil theih hun chung	:	February 9, 2023 (Ningani)
Entrance Test	:	February 21, 2023 (Thawhlehi), 9:30 a.m @ MTC
Interview	:	February 24, 2023 (Zirtawpni), 10:30 a.m @ Synod Committee Room-I

Principal  
Missionary Training College  
Mission Vengthlang  
Ph. No. 2310157/2301337/9612164982